

LAMPIRAN KETERANGAN PRODUK UNTUK AHLI YANG DILINDUNGI

Pelanggan yang dihormati,
Lampiran Keterangan Produk (PDS) ini memberikan anda maklumat penting mengenai **Takaful Perubatan dan Kesihatan** anda. Pelanggan lain telah membaca PDS ini dan mendapati ia berguna; **anda juga harus membacanya.**

PRUDENTIAL BSN TAKAFUL BERHAD
Date: 5 Disember 2025

1 Apakah Amanah Medicare?

Amanah Medicare adalah pelan klinikal pesakit luar berkelompok patuh Syariah yang menyediakan perlindungan rawatan pesakit luar di mana-mana Klinik atau Hospital yang berdaftar secara sah, di mana Kemasukan ke Hospital tidak diperlukan. Pelan ini adalah percuma dan ditawarkan kepada golongan Asnaf yang layak dan terpilih dari umur pada hari lahir akan datang 1 hingga 100 tahun ("Ahli yang Dilindungi").

Amanah Medicare menawarkan perlindungan untuk tempoh dua belas (12) bulan dari Tarikh Berkuatkuasa Ahli yang Dilindungi. Pemegang Sijil Induk untuk pelan ini adalah **ASNB Wakalah Sdn. Bhd. ("ASNB Wakalah")**, dan pelan ini akan diuruskan secara eksklusif oleh Prudential BSN Takaful Berhad ("PruBSN").

Konsep Syariah yang berkenaan

- **Ta'awun:** Apabila Pemegang Sijil Induk menyumbang ke dalam Dana *Tabarru'* untuk manfaat kewangan bersama apabila berlaku perkara-perkara yang telah dipersetujui terlebih dahulu.
- **Wakalah bi al-ujrah:** Apabila Pemegang Sijil Induk melantik PruBSN untuk mengurus dan melaburkan dana tersebut sebagai wakil, dan PruBSN akan menerima upah, termasuk yuran prestasi daripada lebihan yang boleh diagihkan daripada Dana *Tabarru'*.

Nota: Penerangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

2 Ketahui Perlindungan / Manfaat Anda?

Manfaat takaful berikut akan disediakan:

Manfaat untuk setiap Ahli yang Dilindungi yang Layak	Jumlah Dilindungi (RM)
Manfaat Klinikal Pesakit Luar Berkelompok	Sehingga RM300 setahun

Tempoh Perlindungan

- Skim ini akan bermula pada 5 Disember 2025 hingga 4 Disember 2026.
- Pelan ini menawarkan perlindungan untuk tempoh dua belas (12) bulan.

Nota: Keterangan perlindungan dan manfaat di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

Produk takaful perubatan dan kesihatan anda **mengecualikan**:

Tiada manfaat yang akan dibayar sekiranya tuntutan daripada Ahli yang Dilindungi adalah disebabkan secara langsung atau tidak langsung, sepenuhnya atau sebahagiannya oleh mana-mana tuntutan berikut:

- terutamanya untuk tujuan penyiasatan, diagnosis, pemeriksaan sinar-X, pemeriksaan fizikal atau perubatan am, tidak berkaitan dengan rawatan atau diagnosis Hilang Upaya yang dilindungi atau sebarang rawatan yang tidak Perlu Dari Segi Perubatan dan apa-apa rawatan pencegahan, ubat-ubatan atau pemeriksaan pencegahan yang dijalankan oleh Pakar Perubatan, dan rawatan khusus untuk mengurangkan atau menambah berat badan; atau
- pembedahan plastik/kosmetik elektif (kecuali pembedahan rekonstruktif untuk mengembalikan fungsi), hiperhidrosis, berkhatan, pemeriksaan mata untuk rabun dekat, rabun jauh atau astigmatisme, alat bantuan visual dan pembiasan atau pembedahan pembetulan rabun dekat (Keratotomy radial) dan penggunaan atau perolehan perkakas atau alat prostetik luaran seperti tidak terhad kepada anggota tiruan, alat bantuan pendengaran, radas koklea, perentak luaran atau sementara, dan preskripsi yang berkaitan; atau
- penyalahgunaan dadah, gangguan akibat ketagihan daripada sebarang jenis penggunaan atau penyalahgunaan bahan atau alkohol, di bawah pengaruh alkohol, penyakit kelamin dan sekuelanya, AIDS (Sindrom Kurang Daya Tahan Penyakit) atau ARC (Kompleks Berkaitan AIDS) dan penyakit berkaitan HIV, serta sebarang penyakit boleh berjangkit yang memerlukan kuarantin di sisi undang-undang; atau
- bunuh diri, percubaan membunuh diri atau kecederaan diri yang disengajakan dalam keadaan waras atau tidak waras; atau
- sebarang jenis perlumbaan (kecuali lumba lari atau lumba jalan kaki), sukan berbahaya seperti, tetapi tidak terhad kepada, terjun di udara, luncur air, aktiviti dalam air yang memerlukan alat pernafasan, sukan lasak musim sejuk, sukan profesional dan aktiviti yang menyalahi undang-undang; atau
- perang atau sebarang tindakan perang, diisytiharkan atau tidak diisytiharkan, tindakan musuh asing, tugas aktif dalam mana-mana angkatan bersenjata atau sebarang operasi seperti perang; atau
- sebarang percubaan atau perbuatan jenayah sebenar, perbuatan menyalahi undang-undang, atau penglibatan dalam aktiviti keganasan; atau
- penyertaan langsung dalam mogok, rusuhan dan kekacauan awam atau pemberontakan, revolusi; atau
- radiasi ion dan pencemaran radioaktif daripada mana-mana bahan api nuklear atau sisa nuklear akibat proses ledakan nuklear atau akibat daripada apa-apa bahan senjata nuklear; atau

- perbelanjaan yang ditanggung untuk pendermaan mana-mana bahagian badan atau organ oleh Ahli yang Dilindungi dan kos perolehan organ termasuk semua kos yang ditanggung oleh penderma ketika pemindahan organ dan komplikasinya; atau
- penjagaan atau rawatan yang tidak memerlukan bayaran atau kos tersebut akan dibayar oleh mana-mana takaful, insurans atau indemniti lain yang melindungi Orang yang Dilindungi dan Kehilangan Upaya yang timbul daripada tanggungjawab pekerjaan atau profesion yang dilindungi di bawah Kontrak Takaful Pampasan Pekerja; atau
- penerbangan persendirian selain daripada sebagai penumpang yang membayar tambang dalam mana-mana penerbangan komersial berjadual yang dilesenkan untuk membawa penumpang melalui laluan yang telah ditetapkan; atau
- perbelanjaan yang ditanggung untuk menukar jantina atau transformasi jantina; atau
- kegagalan Ahli yang Dilindungi untuk mendapatkan atau mengikuti nasihat perubatan yang munasabah; atau
- lebih daripada satu (1) perkhidmatan perundingan atau rawatan pesakit luar setiap hari di mana-mana Klinik atau Hospital yang berdaftar secara sah; atau
- kos ubat yang dipreskripsi tanpa konsultasi; atau
- terapi fizikal Pesakit Luar atau fisioterapi; atau
- sebarang Pembedahan Harian kecuali pembedahan yang diberikan adalah Perlu Dari Segi Perubatan, disyorkan dan diluluskan oleh Doktor dengan rawatan Diagnosis untuk Hilang Upaya di mana Pembedahan Harian diperlukan.

Jika anda mempunyai sebarang soalan atau memerlukan bantuan mengenai produk takaful perubatan dan kesihatan, anda boleh:



Hubungi PruBSN di:
03 2775 7188



E-mel di:
customer.microtakaful@prubsn.com.my



Layari laman sesawang PruBSN:
www.prubsn.com.my

3 Ketahui Kewajipan Anda?

Sumbangan Anda

Amanah Medicare ialah pelan perlindungan percuma untuk individu terpilih yang layak di bawah kumpulan Asnaf, di mana sumbangan dibayar oleh Pemegang Sijil Induk dan PruBSN. Tiada bayaran sumbangan perlu dibuat sekiranya Ahli yang Dilindungi dipilih untuk menyertai pelan ini.

4 Terma Utama Lain

- **Kepentingan pendedahan** – Ahli yang Dilindungi mesti mendedahkan semua fakta penting dan menyatakan umur dengan betul.
- **Tuntutan** – Sila rujuk kepada Ringkasan Sijil Induk untuk memahami dengan lebih lanjut mengenai prosedur tuntutan.

Nota: Penerangan produk di atas adalah **tidak menyeluruh**. Sila rujuk kepada Ringkasan Sijil Induk untuk maklumat lanjut.

? Bolehkah saya membatalkan sijil saya?

Tidak, anda tidak boleh membatalkan sijil anda. Hanya Pemegang Sijil Induk yang boleh membatalkan Sijil Induk / perlindungan anda.

PruBSN adalah pengendali takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia ("BNM").

Manfaat-manfaat yang dibayar di bawah sijil yang layak adalah dilindungi oleh Perbadanan Insurans Deposit Malaysia ("PIDM") sehingga had perlindungan. Sila rujuk Brosur Sistem Perlindungan Manfaat Takaful dan Insurans ("TIPS") PIDM atau hubungi Prudential BSN Takaful Berhad atau PIDM (layari www.pidm.gov.my).